

hainrich oder ir ambtman richten / min halb vngesumet vnd vngehendert . doch so verr . was sù schädlicher lüt — oder lüt die tötsch³ än hettint . da ergriffint vnd berechten woltint . die sond sù fürren in ir gericht gen Va - / dütz vnd sù da berechten . Item vmb die tauernen an dem Eschnerberg ist berett . das vñser⁴ er tail lüt . da schenken sond . doch mit der beschaidenhait . das ietwedra tail vnder vñs sinen Tauer - / ner vf sinem ald siner lüt güt da haben sol . vnd vmb die vischentz . in der Eschach ist berett . das aber wir vrogenanten baid tail . dieselben vischentz . bruchen vnd niessen söllint mit vischen / vnd mit krepssen unueuarlich . vnd öch mit der beschaidenhait . das ich vrogenanter Gräf Albreht . niemand andern erloben sol dar inn ze vischent noch ze krebssend . Öch ist berett . das wir vor - / genanten gebrüder Bÿschof hartman vnd Gräf hainrich enkainen zoll an dem Eschnerberg nemen söllint . disent der Eschach Eschnerbergs halb . Item von der stöss vnd misshellung wegen / so wir vrogenanten baid tail in walgôw vnd in Montafon mit enander gehebt habint . Jst des ersten von gelaitz wegen berett worden . das der vrogenant Gräff Albreht . belaiten sol vnd / mag von Bludentz gen Rinegg . Vnd von Rinegg gen Bludentz . Vnd von Bludentz gen Werdenberg . das selb her wider vmb gen Bludentz vnd nit von Bludentz an den arl . näch dem als vñser / alten tåding - brief vñs des ze baiden sit wol entschaident . Dar näch ist berett von harkomner lüt wegen . wår ob ain harkomener man . gen Bludentz zug . vnd da burger wurd . ald suss / da wonhaft wår vnd dar nach wider dannan zug . wa er denn in vñser vrogenanten gebrüder Bÿschoff hartmans vnd Gräf hainrichs . Gräffschaft sesshaft wirt . da sol er öch vñs vnd vñs ern erben diensthaft vnd gewårtig sin all die wil er vnder vñs sitzet . Item von der lüt wegen . die vñsers lieben Ohams såligen Gräff Rüdolffs von Montfort³ gewesen sint . vnd ze Bludentz inne / sitzend . Jst berett das die vñs dienen sond in der mäss . als sù dem selben vñs ern lieben Oham såligen bi sinem leben diensthaft gewesen sint . Vnd suss vmb all ander vñser baiden tail rechtungen / so wir habint in walgôw vnd in Montafon . ist berett . das wir die in der wise vnd mäss halten sond . als wirs vntz her gehalten hänt . nach wisung vnd sag vñser obgedächten alten tåding / brief so wir ze baiden sit gen enander habint vnguarlich . Item näch disen stukken allen ist öch namlich berett von des vsschla-